



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Na osnovu člana 90. Zakona o javnim nabavkama ("Službeni glasnik BiH" broj:39/14), Pravilnika o postupku direktnog sporazuma ("Službeni glasnik BiH" broj:90/14) te člana 30. Statuta općine Tešanj (Službeni glasnik općine Tešanj" broj:11/07) općinski Načelnik donosi:

**PAVILNIK
o postupku direktnog sporazuma**

**Član 1.
(Predmet Pravilnika)**

Ovim Pravilnikom se definiše postupak javne nabavke, roba, usluga i radova putem direktnog sporazuma iz člana.90 Zakona o javnim nabavkama (u daljem tekstu: Zakon).

**Član 2.
(Uslovi za primjenu direktnog sporazuma)**

- (1) Postupak direktnog sporazuma se može provesti kada je procijenjena vrijednost istovrsnih roba, usluga ili radova na godišnjem nivou jednaka ili manja od 6.000,00 KM.
- (2) Ugovorni organ može tokom jedne godine za isti predmet nabavke potrošiti 6.000,00 KM putem ovog postupka.
- (3) Ugovorni organ može započeti direktni sporazum ako je takva nabavka predviđena Planom nabavki ili kada ugovorni organ donese posebnu odluku o pokretanju direktnog sporazuma u skladu sa članom 17. stav 1. Zakona.

**Član 3.
(Principi dodjele direktnog sporazuma)**

Postupak direktnog sporazuma se sprovodi na način da se osigura poštivanje principa iz člana 3. Zakona.

**Član 4.
(Početak postupka)**

- (1) Procijenjena vrijednost javne nabavke koja se dodjeljuje direktnim sporazumom vrši se u skladu sa članom 15. Zakona.
- (2) Procijenjena vrijednost mora biti važeća u trenutku kada ugovorni organ zatraži prijedlog cijene ili ponudu od jednog ili više privrednih subjekata.
- (3) Postupak direktnog sporazuma započinje donošenjem odluke ili rješenja u pisanom obliku koje sadrži sve elemente iz člana 18. stav 1. Zakona.

**Član 5.
(Izvršenje postupka)**

- (1) Ugovorni organ ispituje tržište te traži pisani prijedlog cijena ili ponudu od jednog ili više privrednih subjekata koji obavljaju djelatnost koja je predmet javne nabavke.
- (2) Nakon što primi prijedlog cijene ili ponudu od jednog ili više ponuđača, a prije zaključivanja direktnog sporazuma ugovorni organ:

- a) pregovara sa ponuđačem/ponuđačima o cijeni, i/ili
 - b) prihvata prijedlog cijene ili ponudu jednog ponuđača, i/ili
 - c) provodi drugu vrstu postupka definisanu Zakonom.
- (3) Ukoliko Ugovorni organ u postupku nabavke a prije zaključenja direktnog sporazuma pristupi pregovaranju o cijeni sa ponuđačem/ponuđačima potrebno je da o toj aktivnosti sačini službenu zabilješku na predmetu nabavke o postignutoj cijeni sa potpisom ugovornog organa i ponuđača.

Član 6.
(Izbor ponuđača)

- (1) Kod izbora ponude na osnovu koje će biti dodijeljen ugovor, ugovorni organ treba uzeti u obzir faktore kao što su cijena, količina, tehnički opis, estetske i funkcionalne zahtjeve, karakteristike koje se odnose na okolinu vrijeme i period isporuke i sl.
- (2) Ugovorni organ bira ponuđača na način koji garantuje najbolju razmjenu vrijednosti za novac. Kada vodi pregovore koji se odnose na prijedlog cijene ili ponude, ugovorni organ djeluje u skladu sa dobrom komercijalnom praksom.
- (3) Kada traži prijedlog cijene ili ponudu, ugovorni organ daje ponuđačima određeni rok da pripreme prijedlog cijene ili ponudu, uzimajući u obzir kompleksnost nabavke.

Član 7.
(Zaključivanje direktnog sporazuma)

Direktni sporazum smatra se zaključenim:

- a) Kod nabavki čija vrijednost iznosi do 1.000,00 KM, prilaganjem računa ili druge odgovarajuće dokumentacije, čija kopija se obavezno dostavlja službeniku za nabavke u roku od 3 (tri) dana od prijema iste, radi dostavljanja izvještaja u postupku javnih nabavki u Informacioni sistem E-nabavki. Gdje bude postojala potreba službenik za nabavke će izdavati narudbenicu do iznosa iz tačke a) ovog člana.
- b) Kod nabavki čija vrijednost je viša od 1.000,00 KM, ugovorni organ je dužan zaključiti ugovor.

Član 8.
(Stupanje na snagu)

Ovaj Pravilnik se objavljuje u “Službenom glasniku općine Tešanj” a primjenjuje se od 20.02.2015.godine.

Danom početka primjene ovog Pravilnika prestaje sa primjenom Interni pravilnik o postupku direktnog sporazuma objavljen u Službenom glasniku općine Tešanj broj:6/10.

Broj:02-2-1-391/2015

Datum:20.02.2015.godine

OPĆINSKI NAČELNIK

Mr. Sc. Suad Huskić, profesor